

Cantabr. Anno Dni 1601.

Jul. 7.

Inferiora dependent a cælo.

NOlo verba scholę, quid si verbosior equo est?
 Præ Iunone, fori garrula turba filet.
 Lis est cum Iunone, vale schola, Iupiter adsis:
 Sola solet Iuno teste iacere Ioue.
 Aer es (fateor) Saturnia, Iupiter æther:
 Imo, quod iactas, esto marita Iouis.
 Nomen ut vxoris, si gaudia sola teneres.
 Sola marita Iouis, sola fruarè Ioue.
 Sed Deus haud frustra, cum te sub monte Thronace
 Compressit, cuculum dissimulauit auem.
 Gaudet in alterius pullos excludere nido:
 Oua quidem testor, Leda, gemella tua.
 Quid Loquar ut propter Danaen se vertit in aurum?
 Ut propter Thetidem per mare fecit iter?
 Mitto quod Europam rapuit sub imagine Tauri.
 Mitto quod armatam cornibus arsit Io.
 Alcmenen referam pater ut compressit honestam,
 (Nam regina Iouem credidit esse virum)
 Sed nolo veteres Iuno renouare dolores,
 Herculis ærumnas ne facis esse nouas.
 Deniq; da formam, quam non assumpsit adulter,
 Si non spondebit sumere, causa cadet.
 Quid pudibunda taces? metuis ne vota subiret?
 Aut, quorum pudeat, testibus argueret?
 Ergo:
 Da tacite Iuno, quod pendent omnia cælo:
 Nam si vel mutis, Iupiter ipse probat.

Comet. 21. gener.
Plin. lib. 2. cap. 25.

Κομήτης

Περωνίας

Διόνος

Ἀρ. ὑπερίμνη

Πιδίτιος

Ἀσπιδος. λοχί-
της. λαμπρὰς. κα-
ρτερίας. ἐξίφιας. ἰπ-
πιδος.

Cometa non est stella.

Quid Crinite micas? ardescis stella videri?
 Quo magis ardescis, stella videre minus.
 Ambijt à puero, sed non barbatulus aufit,
 Ne glaber inuideat forsan Apollo genis.
 Ut Phæbo placeat, disci se cogit in orbem:
 Credidit imberbem lusibus hisce capi.
 Nolens se puerum fieri indignatur Apollo,
 Incendit globulum, præcipitemq; dedit.
 Qui discus cecidit, mulier formosa refurgit,
 Docta hanc irati frangere tela Iouis.
 Sed mulcere deum cupiens, ut Iuno maritum,
 Cum resupina cubet, semper ad ima ruit.
 Plurima post Venerem quia nouit posse Lyxum
 Amphora fit vini, quæ modo virgo fuit.
 Hinc pincerna Iouis veritus vilescere nectar,
 Vertitur in rabiem, comminuitq; cadum:
 Nec minus iste furens, quod pusio trudat Olympo,
 Viq; manuq; petit, quod modo blanditijs.
 In iaculum nunc se, nunc se conuertit in hastam,
 Nunc fax est ardens, corniger, ensis, eques.
 Phæbus at igne suo postquã hostes hauserat omnes,
 Denuò ne tentet tale cometa scelus,
 Addidit in pēnas, ut raro conspiciantur,
 Portendant pestes, prælia, fata ducum.
 Ergo:
 Te stellam facerem, cæloq; cometa locarem?
 Te magis optarem, (si licet) esse nihil.